

Romani: Vlach God's Simple Plan

E Lashi Viasta

Ke savorhe bezexale le, ai dur si katar lesko skepimos. Romanuria 3:23

Ke e pochin le bezexeski si e martia; numa e podarka le Devleski kai si dini ivia si o traio kai chi mai getolpe le Jesus Kristosa amaro Del. Romanuria 6:23

Ke pala lashimos sanas skepime pala pachamos, ai kodo skepime chi avel tumendar, numa e podarka le Devleski si, nai vov si pala so kerel o manush, saxke te na luvudilpe khonik. Efesiana 2:8-9

O manush kai chidelas e taksa, beshelas mai dur, chi tromalas te vazdel le iakha karing o cheri, numa marelasse ande kolin, ai phendia, "O Devla te avel tuke mila anda mande kai sim bezexalo." Luk 18:13

O Del drago sas e lumia, ai wo tradia peske ieke shaves, kashke kon godi kai pachalpe ande leste te na xaiil, numa te avel les o traio kai chi mai getolpe. Ke O Del chi tradia peske shaves ande lumia te del kris la lumia, numa e lumia te sai avel skepime lestar Yovano 3:16-17

Chi iek zumaimos chi kerdjol tumenge te na sai rhevdila: numa O Del kai si chacho, chi mekel te aven zumade mai but sar sode si e zor, numa kana kerdilia amenge vari so, wo lasharel le dieluria te anklia avri anda kodo nasulimos, kashte te sai rhevdisaras les. Pervo Korintiana 10:13

Ke pachav ma ke kanchi nashtil te duriarel amen katar e dragostia le Devleski; chi e martia, chi o traio; chi le angeluria, chi iek aver zor, vai putiera chereske; chi so si akana ai chi so avel; chi e zor kai si opre, chi e zor kai si tele - ai chi iek aver diela kai si, kanch shoxar nashtila te duriarel ame katar e dragostia le Devleski kai dia ame O Del ando Jesus Kristo amaro Del. Romanuria 8:38-39

Ke o Kristosi kai getolpe o zakono te kerel te aven vorta angla Del kodola kai pachanpe. Romanuria 10:4

O Del mothol, "Ashundem tute kana avili e vriama, o dies le skepimasko zhutisardem tu." Eta, akana e vriama e lashi, adies o dies le skepimasko! Duite Korintiana 6:2

Kana ashunde kado divano, lengo ilo sas azbado, ai phende le Petreske ai kolaver apostlonge, "Murhe phral, so keras?" O Petri phendia lenge, "Kein tume anda tumare bezexa, ai swako anda tumende te avel boldo ando anav le Jesus Kristosko pala iertimos tumare bezexengo, ai avela dino O Swunto Duxo. E Buchi le Apostolengo 2:37-38

Len pe tumende o nevo traio, kai si kerdo te miazol po Del ai sikadiol ando traio o chacho ai vuzho kai anel o chachimos. Efesiana 4:24

Sar si ramome ande Vorba le Devleski, "Nai chi iek manush kai si vorta, nai, chi iek. Romanuria 3:10

O bezex avilo ande lumia pala iek manush o Adam; ai o bezex andia e martia; ai kadia e martia aresli sa le manushen, ke savorhe kerde bezexa! Romanuria 5:12

Inker kana nas ame zor, O Del mulo le bezexalenge, e vriama kai sas thode katar O Del. Romanuria 5:6

Numa O Del sikadia amenge sode leske drago amen; o Kristo mulo amenge kana inker samas bezexale! Romanuria 5:8

Ai sas thodino Shav Devlesko putierasa pala Swunto Duxo, ai katar lesko zhuvindimos mashkar le mule. Romanuria 1:4

Zhanas ke o Kristo zhuvindisailo andal mule, ai nashti mai merel; ke e martia ma nai la putiera pe leste. Romanuria 6:9

kodia vorba si e viasta le pachamoski kai phenas, anda cho mui mothos angla savorhenge ke O Jesus si O Del, ai te pachasa tu ande cho ilo ke O Del andia les katar e martia ka traio, avesa skipime. Romanuria 10:9

Kon godi kai akharel po anav le Devlesko avela skepime. Romanuria 10:13

Ke pachav ma ke kanchi nashtil te duriarel amen katar e dragostia le Devleski; chi e martia, chi o traio; chi le angeluria, chi iek aver zor, vai putiera chereske; chi so si akana ai chi so avel; chi e zor kai si opre, chi e zor kai si tele - ai chi iek aver diela kai si, kanch shoxar nashtila te duriarel ame katar e dragostia le Devleski kai dia ame O Del ando Jesus Kristo amaro Del. Romanuria 8:38-39